

The Makuilongdi Express

Liangmai Daily Newspaper

“Mazibo niu ngamne”



Portugal gu Captain khatdi Manchester United gu strikers Cristiano Ronaldo hai Machester United gasu npad mira chalad masan mide chiujiu dinne. Paniu Manchester Club leng match 346 mathen boga goals 145 chantang khai miye.

North Korea gu Suppreme Leader Kim Jong Un tanpui Kim Yo Jong niu UN security Council tu double standards bamme chiujiu maran pijiu dinmide. Palamra North Korea niu intercontinental ballistic missile launch thiubo ga UNSC niu meeting kambo jengniuwe.



Zengtung 23 Matuingehiu 2022 kadamnai Chiang PO Tamei ,Tml. Dist. Manipur Vol.01. Issue 38 page 1

Lung manon maidungtu nangniu gukhai biye, chiudi lung chaliang maidungtu nangniu kam manon khaiye. 2 Samuel 22:28.

India mai thak tu khongam lakge chiujiu NSCN-IM niu dinpad mide.



NNN. Dimapur

Mat. 22: Nagalim Voice ga NSCN-IM niu tacham dinbo kumsai Government of India niu Indo-Naga Peace Talk tadkiu jiu bambo hai khongam lak mide khatdi malum siakra di hamide chiujiu dinmide. Naga mai thiujii rapazi kabambo hinang arat makjiu kambam bowe chiudi govt. of India niu Delaying Tactic mathen bo gasu tuhoi tingkum 25 san npoujiu npou loimak jiu bambo we. Naga gu lam hai mala makge sinu pake madai ga phui mawilujii tadkiu maksai doulakbo bam jengniu pawan ngutjiu bambo we chiujiu dinne. Tuhoi para thiujii Naga gu Issue lamga chalad loi kungjiu bambo hai Naga gu pengphai tamjiu bamra nai Constitution tamjiu bamrabok lamga su chalad kungjiu bambo we. Naga gu pengphai hainiu aliu geng thiujii khatdi Tingwang niu pikhaibo mania thiujii bambo we chiujiu dinne.

Liangmai Naga Katimai Ruangdi (LNKR) gu jupou maidung Bena Nguang namga ga aruangjiu khai mide.



TME Tamei

Mat. 22: Ndanai Liangmai Naga Katimai Ruangdi (LNKR) hangga bambo nam-namgu pakhangpi nai raosui khatdi LNKR gu jupoumai sigasu aliu zatga wasimai aruang lujiu makhiam mak kasabo hinasi aram Bena Nguang namga madui khai mide. Haibomaduiga constitu-

tion amemdment thiumak kasabodung amendment thiuwangbo si mathiuniu approve tniukhai mide. Tadkhang lanrabo kasanmai changam phung lanramai tuhai wangkinbo Chakehiu zengtung 20th 2022 nai kadara chiujiu chapkhai mide. Sigasu haibo changam phunglan

Senapati district ga sang lamsu kabak phung ngut botu kham mide.



Mat.22: Ndebo raniulo chiubo simakbo rapot khatni Manipur ga kabak rapot padjiu kabak waji shaikiu mibo jengniu Senapati gara sang lamsu kabak phung ngutbo suilakde chiujiu kham mide chiujiu dinne. Tachamga dinbo kumsai palam simakbo rapot gasu Langol Langthungching gu wanzeng Kangpokpi district ga kabak 38 kumbo shai mide chiujiu dinne.

Haibo wanzeng ga kabak raren bambo jengniu kabak hai phung ngut makra kham khai mibowe chiujiu dinne. Sikhai suiye aliu khulam di palam simakjiu paman malaye chiujiu palam simakbo chakhou zan phungwang lujiu jonbo ga khourui leng ronna makjiu chamai lengdi niawangbo sui ye, sinu haikumbo di aliu khamsai pathou siak sune.

Assam nai Meghalaya state ga charamlam kabuakbo gasu chamai khang 4 shai mide.



Mirror Now.

Mat. 22: Assam nai Meghalaya kakga pawan katheng kadih gu namrai donniu chakhon-chara padjiu bambo kum ndanai di Makroh nam, Meghalaya's West Jaintia Hills ga chaganmi niu akep bo gasu chamai khang 4 shaimide khatdi chamai kakeng ajamjiu bam mide chiujiu dinne. Tacham ga dinbo kumsai khamjiu bambo tasing hai truck gasu phungpadbo wanga police mainiu khambo jengniu we chiujiu dinne. Tuhoi Assam nai Meghalaya gu charam jengniu kawi thiura npoujiu bambowe, chiubambo wanga chakhon-chara padsan jiu bambo jengniu namrai kakga mathing siju bamra chiujiu government gu tacham gasu pisikhai jiu bam mide chiujiu dinne.

Karingting Lunlung



@ # Awangpio! ariakga nachun khaijiu kenno, Final Exam mana mirai, World Cup lam nachun khai makjiu kenno, phui matai thaimien di Maruang maira MCSCC ga chamai khang 7 padlan bamrai!

Thainai nang pawan kam mahabo siniu soina nang tatein thiubo ga wakhatdi khaisan lulak ge.

Editorial

Khatniu khattu kathod khaisibo hai chara-chamainiu masen bowe. Aliu zatga khat-khat gu ngamkam kawibo tu zulen padju kathot khaibo suang khat-khat gu ngamkam tu khantia bo hai kengdiang bo leng ngoupadle. Thaimien MCSCC gu result padbo ga Maruungmai zat thiujui ra chamai khang 7 padju bamme chiudi aliu Liangmai thiujui ra padbo ngou makge. Haisi phuibo ga aliu hai aram azat tu kathod khaini makbo, ataanahmai tu changam kawi kamra kathod khaijsi makbo khatdi changam kawi kampad boga kathod khaini makbo ga chalung chun karum wangbo hai kengjiu bambo we. Nang- Idi changam kawi kampadbo ga mainiu thonkiu khaibo ga acheng ringjiu kamsan nibo bamme chiu makjiu khan khai bisai pasai achengb sajiu karam khailakbo hai pad bowe, haisi chamaina lunlung nge . Maipiu khatdi patu khanbo masen makboi. Siniu aliu zatdi khantia bo suang khatniu khattuj kathod khaibo hai thinpiu makeng khe.

MATHEN CHAM



World Cup result. Argentina 1 Saudi Arabia 2 Denmark 0 Tunisia 0 Mexico 0 Poland 0 France 4 Australia 1

Today Match.

Morocco vs Croatia 3:30 pm Germany vs Japan 9:30pm Spain vs Costa Rica 9:30pm

Chalad N-buong

Singgen - Kakhui = Tingkadih, Naimik-Chahiu-Chagan pakhiang nangtu Lianglad ga Singgen-Kakhui chiujiu kuwe. Universe tu dinbo we.

Manipur gu MPs, MLAs dung gu criminal cases 10 kumbo pending ga bamme.



Mat. 22: Tuhoi Manipur Andaman and Nicobar, ga tinkum mangiu Dadar and Nagar Haveli lungga Manipur gu MPs gara haikumbo MPs nai khatdi MLAs dung tu MLAs gu criminal case hai cases file thiukhai bo hai wadi haye chiujiu dinne. tuhoi cases 10 hai pending ga bamme chiujiu dunggu criminal cases keng Manipur High Court niu thubo hai Odsha gasu 323 Supreme Court of India niuwe, Maharashtra niu 169 ga pisikhai mide chiujiu khatdi tam-tambo states dinne. Haikumbo cases dung gasu bamme chiujiu hai Nagaland, dinne.

Luan 27thbo Liangmai Sports Association (LSA) niu organised thiujui tadkiu bambo mathen hai makum 2023 ga Oklong phungguang ga mathiu kiurabo gasu LSA gu thiujui football team wang makeng kachang sune chiujiu dinne.

Liangmai Naga Katimai Ruangdi (LNKR) gu jupou maidung Bena Nguang

contd. from p1. rabo kadaboga pasuk parid lukhai ra chiujiu pahangga khaibam maidung tu kada khaimide. Election Commissioner leng Manu NK Job tu kada khai mide, Presiding Officer leng Manu Tennyson Marianmai tu kada khai mide sigasu Polling Officer leng Manu Tabamwi Charenamai tu kada khai mide chiujiu paliugu tacham ga dinne. Wangkinbo Chakehiu zengtung 20th nai changam phunglan ramai tu kadabo tienkam hai Tamei HQ gu ariakah phom niu parid lujiu ndengkhai raye chiujiu dinne.

